

**- SENAT -**

Broj: 01-2-127/25

Sarajevo, 26. 02. 2025. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. Statuta Univerziteta u Sarajevu, a u vezi sa članom 11. Pravilnika o dodjeli počasnog zvanja profesor emeritus Univerziteta u Sarajevu broj: 01-14-69-1/19 od 27. 05. 2019. godine sa pripadajućom izmjenom broj: 01-11-51/22 od 20. 07. 2022. godine, na prijedlog Vijeća Grupacije tehničkih nauka od 18. 02. 2025. godine, Senat Univerziteta u Sarajevu je na 5. redovnoj sjednici održanoj 26. 02. 2025. godine, *donio*

ODLUKU**o dopuni Pravilnika o dodjeli počasnog zvanja profesor emeritus Univerziteta u Sarajevu****I**

Usvaja se dopuna Pravilnika o dodjeli počasnog zvanja profesor emeritus Univerziteta u Sarajevu broj: 01-14-69-1/19 od 27. 05. 2019. godine sa pripadajućom izmjenom broj: 01-11-51/22 od 20. 07. 2022. godine, koja čini sastavni dio ove Odluke.

II

Ova odluka stupa na snagu danom donošenja.

Obrazloženje

Na sjednici Vijeća Grupacije tehničkih nauka održanoj 18. 02. 2025. godine, pokrenuta je inicijativa za dopunu Pravilnika o dodjeli počasnog zvanja profesor emeritus Univerziteta u Sarajevu, u dijelu odredbi koje uređuju postupak dodjele ovog počasnog zvanja, odnosno u pogledu vremenskog okvira za pokretanje postupka dodjele. Prijedlog je da postupak prikupljanja potrebne dokumentacije može započeti šest mjeseci prije nego što kandidat/kinja za dodjelu počasnog zvanja profesor emeritus odlazi u mirovinu. Na ovaj način bi se osiguralo dovoljno vremena za prikupljanje i ažuriranje potrebne dokumentacije, te bi članice Univerziteta mogle na vrijeme planirati angažiranje emeritiranih profesora/ica u akademskoj godini.

Cijeneći naprijed navedeno, Senat Univerziteta u Sarajevu na sjednici održanoj 26. 02. 2025. godine, donio je Odluku kao u dispozitivu.

REKTOR

Prof. dr. Tarik Zaimović

Dostaviti:

- ☐ Članicama Univerziteta u Sarajevu
- Službi za pravne poslove Univerziteta u Sarajevu
- U dokumentaciju Senata
- Arhivi